

关于三月的诗句

1.
金炉香烬漏声残，剪剪轻风阵阵寒。春色恼人眠不得，月移花影上栏杆。
——王安石《春夜》
2.
东风杨柳欲青青。烟淡雨初晴。恼他香阁浓睡，撩乱有啼莺。眉叶细，舞腰轻。宿妆成。一春芳意，三月如风，牵系人情。
——晏殊《诉衷情·东风杨柳欲青青》
3.
三月春归留不住，春归春意难分付。凡言归者必归家，为问春家在何处。
——邵雍《问春》
4.
莺初解语，最是一年春好处。微雨如酥，草色遥看近却无。休辞醉倒，花不看开人易老。莫待春回，颠倒红英间绿苔。
——苏轼《减字木兰花·莺初解语》
5.
东城渐觉风光好。縠皱波纹迎客棹。绿杨烟外晓寒轻，红杏枝头春意闹。
。浮生长恨欢娱少。肯爱千金轻一笑。为君持酒劝斜阳，且向花间留晚照。
——宋祁《玉楼春》
6.
梦冷繁华金谷园，春深葵麦暗朱门。东风日日吹花急，红雨苍台泪几痕。
——赵希桐《春游》
- 7.

千里长安名利客，轻离轻散寻常。难禁三月好风光。满阶芳草绿，一片杏花香。记得年时临上马，看人泪眼汪汪。如今不忍更思量。恨无千日酒，空断九回肠。——刘彤《寄与夫君文虎》

8.春如旧，人空瘦，泪痕红浥鲛绡透。——陆游《钗头凤》

9.
霁日檐牙落，光风瓦上生。草晴跳蚱蜢，花暖困狸狌。——钱宰《春日闲居》

10.
应怜屐齿印苍苔，小扣柴扉久不开。春色满园关不住，一枝红杏出墙来。——叶绍翁《游园不值》

11.
燕草如碧丝，秦桑低绿枝。当君怀归日，是妾断肠时。春风不相识，何事入罗帏？——李白《春思》

12.
年年三月里，随处自悠扬。雨过浑疑尽，风来特地狂。入花蜂有碍，遮水燕无妨。苦是添离思，青门道路长。——孙鲂《柳絮咏》

13.
村南无限桃花发，唯我多情独自来。日暮风吹红满地，无人解惜为谁开。——白居易《下邳庄南桃花》

14.
寻得桃源好避秦，桃红又是一年春。花飞莫遣随流水，怕有渔郎来问津。——谢枋得《庆庵寺桃花》

15.
水光潋滟晴方好，山色空蒙雨亦奇。欲把西湖比西子，淡妆浓抹总相宜。——苏轼《饮湖上初晴后雨》

16.

行春莫放一日一，修禊仍逢三月三。忍遣晴光作阴雨，更将急濺浣春衫。
。——杨万里《三月三日雨作遣闷十绝句》

17.

几处早莺争暖树，谁家新燕啄春泥。乱花渐欲迷人眼，浅草才能没马蹄。
。——白居易《钱塘湖春行》

18.

尊前相见，似羞人、踪迹萍浮。问弄雪飘枝，无双亭上，何日重游？我欲缠腰骑鹤，烟霄远、旧事悠悠。但凭阑无语，烟花三月春愁。——郑觉斋《扬州慢·琼花》

19.

三月春如少年时，了知造化最儿嬉。智行无事柳飞絮，道法自然花满枝。
。锦乡园林天富贵，神仙院落月清奇。老天长似春三月，游嬉人间不皱眉。——许月卿《三月》

20.

长江春水绿堪染，莲叶出水大如钱。江头橘树君自种，那不长系木兰船。
。——张籍《春别曲》

21.

律回岁晚冰霜少，春到人间草木知。便觉眼前生意满，东风吹水绿参差。
。——张栻《立春偶成》

22.

三月尽是头白日，与春老别更依依。凭莺为向杨花道，绊惹春风莫放归。
。——白居易《柳絮》

23.

海棠盛西蜀，豪压春风涂。三月浣花溪，游人鄙金珠。——曹勋《山居杂诗》

24.

青楼醺醖客中圣，碧苑鞦韆人半仙。春满江南佳丽地，绿杨芳草思娟娟。
。——任希夷《钟山春游》

25.

绿杨芳草长亭路，年少抛人容易去。楼头残梦五更钟，花底离愁三月雨。
。无情不似多情苦，一寸还成千万缕。天涯地角有穷时，只有相思无尽处。
。——晏殊《玉楼春·春恨》

26.

江南三月听莺天，买酒莫论钱。晚笋余花，绿阴青子，春老夕阳前。欲
寻旧梦前溪去，过了柳三眠。桑径人稀，吴蚕才动，寒倚一梯烟。——
吴锡麒《少年游·江南三月听莺天》

27.

空江浩荡景萧然，尽日菰蒲泊钓船。青草浪高三月渡，绿杨花扑一溪烟
。——许棠《洞庭阻风》

28.

门外春将半，闲花处处开。山童曾折后，幽鸟不衔来。——释重顯《春
日示众》

29.

古木阴中系短篷，杖藜扶我过桥东。沾衣欲湿杏花雨，吹面不寒杨柳风
。——志南《绝句》

30.

高田二麦接山青，傍水低田绿未耕；桃奇满村春似锦，踏歌椎鼓过清明
。——范成大《春日田园杂兴》

本文链接：<https://duanjuziku.com/duanjuzi/25bn7s1dkc.html>